



MAJLIS PERBANDARAN SEBERANG PERAI

TEKS UCAPAN

**YBHG. DATO' SR HAJI ROZALI BIN HAJI MOHAMUD
YANG DIPERTUA MPSP**

SEMPENA

**MAJLIS PELANCARAN BUKU
'BERGERAK KE ARAH SISA SIFAR'
BERSAMA PERSATUAN PENGGUNA
PULAU PINANG**

03 APRIL 2018 (SELASA)

11.00 PAGI

**AUDITORIUM MPSP
MENARA MPSP, BANDAR PERDA
BUKIT MERTAJAM**

Terima kasih Saudara/Saudari Pengacara Majlis

Yang Dihormati Ahli Majlis-Ahli Majlis
Majlis Perbandaran Seberang Perai

Yang Berusaha Puan Ir Hjh Rosnani bt Hj Mahmod
Setiausaha Perbandaran
Majlis Perbandaran Seberang Perai

Yang Berbahagia Tuan Haji Mohideen Abdul Kader
Timbalan Presiden
Persatuan Pengguna Pulau Pinang

Ketua – Ketua Jabatan dan Pegawai
Majlis Perbandaran Seberang Perai

Pemimpin-pemimpin komuniti

Guru-guru sekolah

Green Warriors

Rakan-Rakan Media

Tuan-Tuan Dan Puan-Puan Yang Dihormati Sekalian

Assalamualaikum warahmatullahhiwabarakatuh,

Selamat pagi dan Salam sejahtera,

Alhamdulillah, bersyukur kehadrat Allah S.W.T. kerana dengan izin dan limpah kurnianya dapat kita bersama-sama berkumpul dan bertemu pada pagi ini bagi menyempurnakan pelancaran buku ‘Bergerak Ke arah Sisa Sifar’ yang diterbitkan oleh Persatuan Pengguna Pulau Pinang.

Terlebih dahulu, saya ingin merakamkan ribuan terima kasih dan sekalung penghargaan daripada Majlis Perbandaran Seberang Perai kepada YBhg. Encik SM Mohamed Idris dan Persatuan Pengguna Pulau Pinang di atas kesudian pihak tuan memilih Majlis Perbandaran Seberang Perai sebagai lokasi utama bagi pelancaran buku ini. Ini menunjukkan bahawa terdapat jalinan kerjasama yang muhibah antara PBT dan NGO dalam merealisasikan hasrat Kerajaan Negeri Pulau Pinang ke arah “*Cleaner, Greener, Safer and Healhtier*”.

Tuan-tuan dan puan-puan yang dihormati sekalian,

Setelah saya membaca dan meneliti naskhah yang diberikan kepada saya, secara peribadi buku ini amat sesuai untuk dibaca oleh semua golongan masyarakat. Ini kerana pada hemat saya, buku ini dapat menggalakkan dan melahirkan sebuah masyarakat dan komuniti

setempat yang sihat dan peka terhadap isu-isu alam sekitar untuk diseimbangkan dengan perkembangan ekonomi dan pembangunan sosial. Buku ini mudah difahami kerana ia bergambar dan pelakunya adalah penduduk dan pelajar sekolah di Seberang Perai. Yang memudahkan adalah buku ini terdapat dalam dua bahasa iaitu Bahasa Inggeris dan Bahasa Melayu dan dijual dengan harga RM10.00 sahaja. Di dalam buku ini, juga menceritakan pengalaman saya sendiri dalam menggiatkan *zero waste community* di Kampung Permatang Nibong di samping pengalaman penggiat kitar semula oleh Pegawai MPSP, CAP dan sekolah-sekolah. Pengalaman saudara Gary Teoh, Pengurus Besar Autocity menguruskan zero waste di kawasan Autocity, Juru juga ada diceritakan di dalam buku ini.

Selain itu, kadar kitar semula merupakan satu elemen yang penting kerana semakin kurang sampah yang dihasilkan, maka kita dapat memanjangkan jangka hayat tapak pelupusan sampah yang sediada ada di Pulau Burung.

Usaha ke arah sisa sifar ini bukanlah satu perkara yang sukar. Banyak manfaat yang dapat kita perolehi daripadanya. Dengan adanya buku ini, saya harap ia dapat memberi panduan dan gambaran tentang usaha-usaha yang telah dijalankan oleh masyarakat sekarang ini. Antara kandungannya ialah pengenalan inisiatif sisa di punca di

Pulau Pinang, latihan sisa sifar yang dihadiri di peringkat antarabangsa contohnya di Filipina dan Selatan India, pelbagai kaedah *composting*, penglibatan sekolah-sekolah dan penglibatan komuniti sedikit sebanyak dapat memberi idea dan pendorong semangat kepada semua pihak.

Tuan-tuan dan puan-puan yang dihormati sekalian,

Seberang Perai telah berjaya dengan satu pencapaian yang hebat di mana kadar kitar semula bagi keseluruhan Seberang Perai telah meningkat daripada 22% pada tahun 2008 kepada 43.25% pada tahun 2017. Kadar kitar semula ini, adalah beratan kitar semula dari pelbagai agensi seperti pusat kitar semula di kawasan perkampungan dan perumahan, kilang, NGO dan juga sekolah-sekolah di seluruh Seberang Perai.

Berdasarkan pencapaian tersebut, MPSP telah menetapkan sasaran untuk mencapai kadar kitar semula sebanyak 70% dan beratan sampah ke tapak pelupusan sampah dikurangkan sehingga 50% pada tahun 2022 dalam Pelan Strategi Seberang Perai 2018 – 2022. Kadar sampah yang dihasil perkapita didapati berkurang daripada 1.6kg/orang/hari pada tahun 2008 kepada 1.09kg/orang/hari pada tahun 2017. (Menurun 32% untuk tempoh 9 tahun)

PENGHASILAN SAMPAH PERKAPITA

<u>TAHUN</u>	<u>kg/orang/hari</u>
2008	1.6
2015	1.3
2016	1.17
2017	1.09

Kadar sampah perkapita didapati berkurangan adalah hasil dari Dasar Pengasingan Sisa di Punca telah dikuatkuasakan sejak 1 Jun 2016. Selain itu, ianya juga berpunca dari kesedaran komuniti dan masyarakat setempat yang mengamalkan amalan kitar semula di mana penghuni premis yang memilih untuk:-

- Menjual sendiri barang kitar semula mereka.
- Menghantar barang kitar semula ke pusat pengumpulan komuniti.
- Menyerahkan barang kitar semula kepada pihak ketiga (scavengers) secara sukarela.
- Barangani kitar semula dikutip oleh pihak ketiga (scavengers) sebelum MPSP membuat kutipan.

Justeru, MPSP telah menetapkan sasaran untuk mencapai penghasilan sampah perkapita pada tahap 0.8kg/orang/hari menjelang tahun 2022. Angka-angka ini merupakan satu sasaran yang tinggi dan

hanya boleh dicapai sekiranya MPSP dan penduduk Seberang Perai bersama-sama berganding bahu mencapai matlamat ini.

Saya berkeyakinan sasaran ini boleh dicapai kerana penduduk Seberang Perai telah maju dalam pemikiran dan penjagaan alam sekitar. Sehingga kini, 152 sekolah hijau telah bersama MPSP, 21 komuniti mampan, 69 pusat sumber alam sekitar, 6 kilang, 3 aktif NGOs iaitu CAP, Lions Club, Junior Chamber International Batu Kawan (JCI) insitusi pendidikan serta sektor swasta iaitu Auto City. MPSP telah bekerjasama dengan sektor swasta bagi memasarkan barang upcycle iaitu pada setiap Sabtu minggu pertama Karnival Upcycle di Autocity, Juru, pada Ahad minggu ke dua Growth Market di Autocity, Juru dan Karnival 8R bersama JCI Batu Kawan di Pasar Awam Kota Permai setiap hari Ahad minggu terakhir setiap bulan.

Saya amat mengalu-alukan kerjasama daripada semua komuniti di seluruh Pulau Pinang untuk memaksimumkan kitar semula, meminimakan sisa lebihan, mengurangkan penggunaan dan memastikan setiap barang yang dihasilkan boleh diguna semula, dibaiki, dikitar dan dikomposkan sesuai dengan konsep 8R yang sentiasa saya war-warkan iaitu:-

1. *Rethink (Be mindful of your consumption, your relationship with ‘things’ and your relationship with the Earth)*. Ianya mengajar kita membuat pembelian secara berhemah atau mengambil sekadar keperluan. Ini dapat mengelakkan pembaziran dari sisa tersebut berakhir di tapak pelupusan.
2. *Refuse (Don’t consume what you don’t need to)*. Tidak membeli apa-apa yang tidak diperlukan.
3. *Reduce (Reduce consumption of energy and materials)*. Kurangkan beratan sampah yang dihasilkan untuk dihantar ke tapak pelupusan sampah.
4. *Re-use (Share with others. Find new uses for old objects)*. Memulakan langkah mudah dalam pengurangan sisa dengan mengamalkan penggunaan semula barang seperti *reusable bag* (bag plastik) ketika membeli-belah.
5. *Repair (Fix or upgrade your objects rather than throwing them away)*. Barang-barangan yang rosak tidak dibuang tetapi dibaiki dan digunakan semula.

6. *Re-gift (Share, and be a part of the gift company).* Barang yang masih boleh digunakan dihadiahkan atau disumbangkan kepada pihak yang memerlukan.
7. *Recover (Energy and materials recovery).* Rawatan bahan buangan untuk menjana tenaga. Tenaga yang dihasilkan oleh kaedah khas dan digunakan sebagai kuasa / tenaga.
8. *Recycle (Close the loop and remake).* Cara dan kaedah dalam menjalankan kitar semula barang-barangan yang dibuang. Selain itu, mempraktikkan seni *upcycle*, barang terbuang untuk dijadikan suatu barangan baharu, yang berkualiti, bernilai dan boleh digunakan.

Tuan-tuan dan Puan-puan Yang Dihormati Sekalian,

Saya yakin dan percaya dengan adanya buku ini, secara tidak langsung ianya adalah satu bahan untuk *education and awareness*. Saya berbangga kerana Persatuan Pengguna Pulau Pinang, iaitu satu badan NGO telah berjaya menghasilkan buku yang amat berguna ini sejajar dengan hasrat MPSP ke arah Seberang Perai yang lebih bersih dan cantik serta mempunyai penduduk yang sihat

sejajar dengan *tagline* MPSP iaitu “**Seberang Perai Aspirasi Bandar Masa Hadapan**” atau “**Seberang Perai Aspiring City of Tomorrow**”.

Akhir kata, terima kasih kepada semua pihak yang telah menyokong semua usaha yang telah dibuat oleh MPSP selama ini dan menyeru penglibatan seluruh warga Seberang Perai untuk menyokong inisiatif-inisiatif yang direncanakan oleh MPSP ke arah pembentukan sebuah Bandaraya Rendah Karbon di Seberang Perai menjelang tahun 2022. Kepada badan-badan korporat, komuniti-komuniti, NGOs, Agensi Kerajaan dan semua individu marilah kita bersama-sama berganding bahu untuk menjadikan sisa sifar amalan hidup kita sehari-hari.

Sebagai mengakhiri kata-kata, dengan lafaz BISMILLAH saya dengan ini merasmikan Majlis Pelancaran Buku ‘Bergerak Ke arah Sisa Sifar’.

Sekian,

***Wabillahi Taufik Wal Hidayah, Wassalamualaikum Warahmatullahi
Wabarakatuh.***

Terima kasih.